

---

OFFERYNNAU STATUDOL CYMRU

---

**2003 Rhif 168 (Cy.28)**

**ANIFEILIAID, CYMRU**

**IECHYD ANIFEILIAID**

**Gorchymyn Rheoli Clefydau (Mesurau Dros  
Dro) (Cymru) (Rhif 2) (Diwygio) 2003**

*Wedi'i wneud* - - 30 Ionawr 2003  
*Yn dod i rym* - - 31 Ionawr 2003

Mae Cynulliad Cenedlaethol Cymru a'r Ysgrifennydd Gwladol, a hwythau'n gweithredu ar y cyd wrth arfer y pwerau a roddwyd iddynt gan adrannau 1, 8 ac 83(2) o Ddeddf Iechyd Anifeiliaid 1981(1), yn gwneud y Gorchymyn canlynol:

**Enwi, cymhwyso a chychwyn**

1. Enw'r Gorchymyn hwn yw Gorchymyn Rheoli Clefydau (Mesurau Dros Dro) (Cymru) (Rhif 2) (Diwygio) 2003; mae'n gymwys i Gymru yn unig ac yn dod i rym ar 31 Ionawr 2003.

**Diwygio Gorchymyn Rheoli Clefydau (Mesurau Dros Dro) (Cymru) (Rhif 2) 2002**

2.—(1) Diwygir Gorchymyn Rheoli Clefydau (Mesurau Dros Dro) (Cymru) (Rhif 2) 2002(2) yn unol â'r erthygl hon.

(2) Yn erthygl 1, rhodder “1 Ebrill 2003” yn lle “1 Chwefror 2003”.

(3) Yn erthygl 3—

(a) ar ôl paragraff (2)(b)(xxi) ychwaneger y canlynol—

“(xxii) symudiad anifail sydd ar gyfrwng cludo sy'n mynd ar safle i ollwng anifeiliaid eraill, ar yr amod nad yw wedi ymadael â'r cyfrwng cludo tra bu ar y safle.”;

(b) ym mharagraff (3)(e)(iv) rhodder y gair “diweddaraf” yn lle “cynharaf”;

- 
- (1) 1981 p.22. Trosglwyddwyd swyddogaethau a roddwyd o dan Ddeddf 1981 i “the Ministers” (fel y'u diffinnir yn adran 86 o'r Ddeddf honno) i'r graddau yr oeddent yn arferadwy gan Ysgrifennydd Gwladol Cymru mewn perthynas â Chymru, i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672). Trosglwyddwyd swyddogaethau “the Ministers” a oeddent yn arferadwy gan Ysgrifennydd Gwladol yr Alban i'r Gweinidog Amaethyddiaeth, Pysgodfeydd a Bwyd gan Orchymyn Trosglwyddo Swyddogaethau (Amaethyddiaeth a Bwyd) 1999, O.S.1999/3141. Cafodd pob un o swyddogaethau'r Gweinidog Amaethyddiaeth, Pysgodfeydd a Bwyd eu trosglwyddo ymhellach wedyn i'r Ysgrifennydd Gwladol gan Orchymyn y Weinyddiaeth Amaethyddiaeth Pysgodfeydd a Bwyd (Diddymu) 2002 (O.S.2002/794).
- (2) O.S. 2002/2304 (Cy.229), fel y'i diwygiwyd gan O.S. 2002/2480 (Cy.243).

(c) yn lle paragraff (3)(ng) rhodder y paragraff canlynol—

“(ng) anifail o'i bwynt mynediad i'r Deyrnas Unedig ar ôl cael ei fewnforio o Aelod-wladwriaeth arall;”.

(4) Yn lle erthygl 8 rhodder yr erthygl ganlynol—

#### **“Cyfleusterau glanhau a diheintio**

**8.** Pan symudir anifeiliaid o dan drwydded, rhaid i feddiannydd y safle y symudir hwynt iddo ddarparu cyfleusterau, cyfarpar a deunyddiau digonol ar gyfer unrhyw waith glanhau a diheintio sy'n ofynnol o dan y drwydded.

#### **Trwyddedau penodol**

**8A.**—(1) Rhaid i anifail a symudir o dan drwydded benodol—

- (a) gael ei symud ar hyd y llwybr mwyaf uniongyrchol sydd ar gael i'r gyrchfan a bennir yn y drwydded, a
- (b) bod y drwydded gydag ef drwy gydol y symudiad.

(2) Rhaid i bob anifail a symudir o dan awdurdod trwydded benodol gael ei gadw ar wahân, drwy gydol y symudiad, i unrhyw anifail nas symudir o dan awdurdod y drwydded honno.

(3) Rhaid i'r person sy'n gyfrifol am unrhyw anifail a symudir o dan drwydded benodol, os myn cwnstabl neu arolygydd neu unrhyw un arall o swyddogion yr Ysgrifennydd Gwladol neu awdurdod lleol, ddangos y drwydded, a chaniatáu i gopi neu ddetholiad ohoni gael ei gymryd, a rhaid iddo hefyd, os gofynnir iddo wneud, roi ei enw a'i gyfeiriad.

(4) Pan symudir anifeiliaid o dan drwydded benodol, yna, oni bai i'r drwydded ddarparu fel arall, rhaid i feddiannydd y safle y symudir hwynt iddo—

- (a) sicrhau y rhoddir y drwydded iddo ef neu i'w gynrychiolydd cyn caniatáu i'r anifeiliaid gael eu dadlwytho;
- (b) yn achos lladd-dy, roi copi i'r llawfeddyg milfeddygol swyddogol; ac
- (c) cadw'r drwydded am chwe mis a'i dangos i arolygydd os gofynnir amdani.

#### **Trwyddedau cyffredinol**

**8B.** Pan symudir anifeiliaid o dan drwydded gyffredinol, ac mae'r drwydded yn ei gwneud yn ofynnol i'r person sy'n symud yr anifeiliaid fod â dogfen symud, rhaid i feddiannydd y safle y symudir hwynt iddo—

- (a) sicrhau y rhoddir iddo ef neu i'w gynrychiolydd y copi uchaf o'r ddogfen symud cyn caniatáu dadlwytho'r anifeiliaid;
- (b) llenwi'r copi uchaf i ddangos ei fod ef wedi cael yr anifeiliaid, ei lofnodi, a'i anfon i'r awdurdod lleol yn ddi-oed; a
- (c) cadw copi o'r ddogfen wedi ei llenwi am chwe mis.

#### **Copiâu o drwyddedau**

**8C.** Pan fydd arolygydd awdurdod lleol yn dyroddi trwydded o dan erthygl 3(1)(a), rhaid iddo gadw copi o'r drwydded am chwe mis.”.

Llofnodwyd ar ran Cynulliad Cenedlaethol Cymru

29 Ionawr 2003

*D. Elis-Thomas*  
Llywydd y Cynulliad Cenedlaethol

30 Ionawr 2003

*Whitty*  
Yr Is-Ysgrifennydd Seneddol Adran yr  
Amgylchedd, Bwyd a Materion Gwledig

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

## EXPLANATORY NOTE

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn diwygio Gorchymyn Rheoli Clefydau (Mesurau Dros Dro) (Cymru) (Rhif 2) 2002 (O.S. 2002/2304 (Cy.229), fel y'i diwygiwyd gan O.S. 2002/2480 (Cy.243)).

Mae'n newid y dyddiad pan beidia'r Gorchymyn â bod yn effeithiol i 1 Ebrill 2003 (erthygl 2(2)).

Mae'r Gorchymyn yn newid yr amodau sy'n ymwneud ag anifeiliaid a gymerir o safle mewn cyfrwng cludo sydd wedi gollwng anifeiliaid eraill ar y safle hwnnw (erthygl 2(3)(a)).

Mae'n cywiro camgymeriad sy'n ymwneud â'r amser erbyn pryd y mae'n rhaid llofnodi datganiad (erthygl 2(3)(b)).

O ran anifeiliaid a fewnforir, mae'n cyfyngu'r symudiadau nad ydynt yn ysbarduno'r cyfnod segur i symudiad i'r safle cyntaf wedi'r mewnforio (erthygl 2(3)(c)).

Mae'n newid y darpariaethau ar drwyddedau penodol, ac mae'n gwneud darpariaeth newydd ar gyfer dogfennau symud pan symudir anifeiliaid o dan drwydded gyffredinol sy'n gwneud dogfen symud yn ofynnol(erthygl 2(4)).

Nid oes arfarniad rheoliadol wedi'i baratoi ar gyfer y Gorchymyn hwn.